

## **Dä ahle Baum**

Musik: M. Mies, Text: A. Schönenborn, M. Mies

### **Vers 1:**

Sach weiss du noch wie et fröher wor  
Verjange sin bahl zwanzisch Johr  
Dä Fritz wor minge beste Fründ  
Mer kannt kein Sorje un kein Sünd

Bes ovends op d'r Stroß jespillt  
Dat wor et jröbste op d'r Welt  
Un jingke die Latäne ahn  
dann trote mir d`r Heimwääsch an

Jo un denk ich su zorück  
An die schöne Kinderzick  
Jo dann treck et mich do hin, wo ich och hüek noch su jään bin

### **Refr.**

**Dä ahle Baum in unserm Veedel  
Dä stund schon do als ich als Panz he jlöcklich wor  
Domols han ich he mim Fritz  
Minge Name enjeritz  
Un dat süht mo noch noh all dä lange Johr**

**Dä ahle Baum in unserm Veedel  
Dä erinnert mich an dat wat fröher wor  
An die unbeschwerte Zick,  
die kütt niemols mieh zoröck  
Dat iss lang schon her un doch noch immer wohr**

### **Vers 2:**

Vill ze schnell verjing die Zick  
Doch ich weiß et noch wie hüek  
dä Fritz komm mit nem goldne Ring  
Un froht, wills du mie Mädche sin

Hüek is hä nit mieh nur ne Fründ  
Nä mer zwei han jetz e Kind  
Su wie dä Fritz ne echte Fuss  
Dä m'r einfach jään han muss

Jo un denk ich su zorück,  
nä wat hat ich doch e Jlöck  
un dann treck et mich do hin, wo ich och hüek noch su jään bin

### **Refr.**

**Vers 3:**

Mir wunne hüeck direck am Wald  
he wäde mir bestimmp uch alt  
für d'r Dür dä ahle Boum  
Verzällt vun manchem Kindheitsdraum

Un luure mir zum Finster russ  
spillt do unsre kleine Fuss  
met däm Lis vun nevenahn  
jetzt fäng dat Spill vun vürre ahn

Jo dann denke mir zuröck,  
an uns schöne Kinderzick  
un dann treck et uns dann do hin, wo hüeck uns Kleine jlöcklich sin....

**Refr.**

**Dä ahle Baum in unserm Veedel  
Dä stund schon do als ich als Panz he jlöcklich wor  
Domols han ich he mim Fritz  
Minge Name enjeritz  
Un dat süht mo noch noh all dä lange Johr**

**Dä ahle Baum in unserm Veedel  
Dä erinnert mich an dat wat fröher wor  
An die unbeschwerte Zick,  
die kütt niemols mieh zoröck  
Dat iss lang schon her un doch noch immer woher**

**Outro**

Un jetzt is et su, su wie et fröher wor  
Jo und dat bliev uch su die nächste hundert Johr